

Z'Kaiseraugst am Rhy

erschien im "Informationsdienst zur Verbreitung
unterbliebener Nachrichten" Nr. 77 vom 27. April 1975
Melodie: Alemannisches Volkslied

Z'Kai-ser-augst am Rhy, jo dört mueß i sy, denn es könn-ti gfähr-lich wär-de
und mer wur-den al-li stär-be. B'set-ze, b'set-ze, z'Kai-ser-augst am Rhy.

2. Am Zischdig simmer ko,
und mer bliibe do,
bis die z'Baade Jsicht hänn,
daß mer keini A-Wärgg wänn,
bsetze, bsetze, bsetze mir das Gländ.

3. A säggste im April,
sinn Mensche ko ganz viel,
sinn im Räge dusse gschtande,
hänn d'Redner ghört us allne Lande,
bsetze, bsetze, z'Kaiseraugst im Pflotsch.

4. Wil mer einig sinn,
gegen-n-unseri Find,
diemer gwaldfrei witerbsetze,
ohne derby s'Mässer z-wetze,
bsetze, bsetze, gege-n-unseri Find.

5. Dr Bundesrot muess gseh,
mer wärde-n-immer meh,
wo sich gege si Schwachsinn wehre,
doch mer glaubt er wird's no lehre,
bsetze, bsetze, mer lade-n-alli y.

6. Schiss het är beko,
drum het er uns verlo,
China isch em gnueg wit wägg,
vom Kaiseraugster A-Wärgg-Drägg,
bsetze, bsetze, z'Kaiseraugst im Drägg

7. Barat isch z'Aarau s'Pack,
z'verhandle mit der GAK,
wenn mer d'Bsetzig do löhn sy,
doch do druff göhn mir nit y,
s'bsetze, s'bsetze, mir löhn das nit lo sy.

8. D'Kärnkraftwärgg AG
hänn e Klag igäh,
doch das isch uns einerlei,
meined ihr mir gienge hei,
bsetze, bsetze, mir schtöhn nit elei.

9. S'goht uns nit in Grind,
daß denn unseri Kind,
wägem radioaktive Wind,
schliesslig alli Krüppel sinn,
bsetze, bsetze, bsetze für die Kind.

10. Wänn das Wärgg' wird baut,
s'Rhytal wird versaut,
jung und alt die solle ko,
und mit uns do zämmeschtöh,
bsetze, bsetze, z'Kaiseraugst im Stroh.

11. S'isch uns allne klar,
das isch e grossi Gfähr,
drum diemer das Lied do singe,
daß uns wird dä Bauschtop glinge,
Bauschtop, Bauschtop, dä Bauschtop dä muess sy.

12. S'A-Wärgg kunnt nit z'schtand,
das lit uff der Hand,
dr Bauschtop dä muess uff dr Tisch,
das isch eins wo sicher isch,
s'Ä-Wärgg, s'Ä-wärgg, das wird niemals baut.

2. Str.: Zischdig = Dienstag; z'Baade = in Baden (Stadt in der Schweiz);
A-Wärgg: In der Schweiz bürgerte sich für Atomkraftwerk die Abkürzung A-Werk oder AKW ein.
4. Str.: Find = Feinde
7. Str.: löhn sy = sein lassen
8. Str.: igäh = einreichen
9. Str.: Grind = Kopf